

欽定剿平三省邪匪方略

欽定剿平三省邪匪方略續編卷二十八

甲子年

六月初一日

戊午

額勒登保德楞泰賽冲阿奏言

臣

賽冲阿與馬瑜帶領官兵於初六日冒雨由

長梁子瑣帽頂取道進攻詎該匪瞭見東北兩

面兜圍嚴密乘黑夜大雨自火山南奔長槽向

家巖樊家砦一帶老林逃向仰天窩

臣

賽冲阿

與馬瑜田朝貴喜明卽帶兵分路緊躡

臣

額勒

登保聞信亦督同楊遇春等冒雨進兵由朱提
壩亂石窖三排山取道顧西抄截

臣

德楞泰督

同豐紳帶兵由甕坪老虎壩華院嘴顧東抄截

查探該匪已於初八日竄過南埡場奔濫池子

初十日竄上徐家溝山頂

臣

賽冲阿等督兵直

上各將備兵更不避矢石奮力仰攻當斃賊匪

四名生擒九名該匪敗竄下山適另路都司史

定川帶兵由笱箕灣趕來又生擒賊匪三名該
匪卽向八把刀敗竄我兵分路追殺又於林中
搜獲四名當訊明將陳賊正法其被裹難民送

回安插探報該匪竄走三柏嶺有出謝家壩之

勢臣德楞泰卽督同豐紳帶兵由雪泡山風竹

壩直抵七里坪抄顧東南臣額勒登保督同楊

遇春帶兵由熊板機大庚口中岡嶺抄顧正東

乃該匪探知東南俱有官兵又折走鹿塘溪

臣

賽冲阿與馬瑜田朝貴喜明帶兵趕抵鹿塘溪
該匪正在攻圍朝陽寨一見兵到卽竄上九道
拐老林憑高抵禦我兵鎗箭齊發奮力仰攻該
匪膽敢下壓將弁兵勇人人憤恨與賊在密林
內攪殺一處當殺賊七名擊斃執藍旗賊目一
名賊匪中箭著鎗者甚多頓形慌亂紛紛敗竄

我兵乘勢追殺又獲賊匪五名生擒四名該匪
竄入玉荷塘老林四天黑林深雨大未便深入
撤出林外暫紮備弁兵勇有身受矛石傷者輕
重不等查該匪現奔之玉荷塘老林東北可通
七里坪臣德楞泰於十二日帶兵已至七里坪
老林中紮營距賊不遠其東西白沙河另行派
兵堵截惟北折可走羊古崖關廟山臣額勒登

保十三日已冒雨趕回高坪飛飭楊遇春帶兵
赴小茶園九嶺子緊扼西北之路又派總兵劉
瑞叅將哈豐阿侍衛色克通阿帶兵馳赴

臣德

楞泰處分路進攻無如自十二日起至十四日
大雨傾盆日夜不止我兵在雨中穿越山林分
投進發急切不能得手惟盼日內天色稍晴分
投競進不敢有意遲緩又據提督豐紳稟報在

柏森坪殺斃賊匪一名生擒九名又據臬司劉
清稟報在隣水地方搜捕賊匪九名均經訊明
分別辦理至_臣等昨奉

諭旨令將有何難辦之處據實直陳伏查賊匪衆多
之時尙擇路行走官兵趕赴要道扼截往往卽
可得仗今賊匪愈少奔竄愈滑惟恃險山陡壁
避兵延喘其行走之處不惟人跡罕到亦從前

賊匪所不到每日令提鎮將領帶領兵勇徒步

入林跟追臣等於林外覓路抄剿稍資馬力然

每遇淌渡溪河或山徑陡險馬不能行徒步攀

躋幾遭傾險臣等亦不敢顧惜偷安稍有鬆勁

自提督以至末弁無不盡力兵勇則涉水登山

攀藤附葛每日徧身濡濕甚至踵決履穿凡遇

指派從未稍形畏縮不可謂兵勇之不用命無

如該匪總避兵而行慣在深山密林內折竄後
東倏西蹤跡無定再遇大雨益難進兵其不能
迅速成功實情如此此外再無掣肘情事臣等
惟有仰仗

皇上天威勉竭駑駘設法趕辦如日內稍得天時地
利必當早報蔽功

額勒登保等又奏言竊臣等欽奉

上諭鄉勇口糧從前比兵丁得項較多是以不願入伍此時額勒登保摺內何以云較之兵丁得項短少著查明具奏等因伏查從前教匪滋擾之時各省均招有鄉勇每一名月給銀三兩四兩不等尙有給予安家銀兩者需費浩繁辦理未能盡

一自四年 臣 額勒登保蒙

恩簡任經畧以來查明各路隨征防堵鄉勇爲數甚

多除飭令將不得力者陸續裁汰外其留於前
敵者均覈定每名每月給予鹽菜夫價銀一兩
三錢八分口糧一分其在地方防守有由各省
督撫司道招募者每名每月給銀三兩令其自
行買食不給口糧歷來照辦在案自七年奉

旨減撤鄉勇

臣

等會議定將年力強壯技藝嫻熟者

分撥附近原籍營汛補以名糧但鄉勇入伍其

初均各給守糧一分每月僅領銀一兩俟其當
差奮勉再隨時陞拔戰糧馬糧分例漸增從前
改勇爲兵之際原定卽歸原營當差一切循照
綠營定例將行糧裁去是守糧得項較之該勇
等隨征時得項又減故多有不願入伍者此時
軍營隨征兵丁定例無論馬步守每名每月連
加給鹽菜夫價等項應領銀二兩四錢一分鄉

勇只領銀一兩三錢八分彼此相較未免鄉勇
短少覈其艱苦情形兵勇實無二致是以懇

恩加給銀六錢二分以足二兩之數俾稍寬裕現在
所剩隨征鄉勇陝省只有一千二百餘名川省
亦只有二千五六百名統計每月所加銀不過
二千數百兩如蒙

俞允尙不致過事虛糜而該勇等自倍加鼓勵均奏

入

上命軍機大臣傳諭額勒登保德楞泰賽冲阿勒保
日日來盛暑煩歆朕盼望軍營奏報宵旰爲勞屢
次指示機宜並詢問情形乃自前月十八日奏到
以後直至本日已刻始據遞到亟加披閱此次各
路官兵於徐家溝等處殲擒賊匪約共三四十名
較之前數次奏報之一無斬獲者差覺少勝然仍

未能痛行剿捕殊不滿意尙不值加以恩獎而於
有無難辨情形經朕諄諄垂詢額勒登保等又並
無一語明言其故但稱再無掣肘情事空言覆奏
閱摺內稱將領兵勇徒步跟追幾遭傾險將弁等
依林露處兵勇等每日攀藤附葛徧身濡濕至於
踵決履穿此種勞苦情形實屬可憫朕亦不忍嚴
旨督促現當大雨時行賊匪亦必不能肆竄遠颺

當趁其窮蹙設法籌剿况核計賊數合之裹脅者
不過四百餘人所佔地界諒亦不廣或扼要設伏
或乘虛拏卡縱不能兜圍痛殲豈並不能踫探路
徑以爲掩襲截擊之計惟日日坐困株守乎刻下
甫交六月額勒登保等惟當督飭鎮將奮勉搜捕
務於月內將此股餘匪悉數掃除額勒登保仍可
於七月初起程回京扈蹕木蘭兩時朕必加恩將

額勒登保德楞泰賽冲阿等前次降革之爵級雙
眼花翎紫韁等項一並賞還仍行優叙倘再有遲
逾卽當將伊三人治罪不貸勉之慎之又另摺覆
奏鄉勇得項稱每名每月給領銀一兩三錢八分
較之兵丁短少著卽照所請加給銀六錢二分俾
得稍形寬裕但此時餘匪無多隨征鄉勇現存不
下四千名趁此官兵未撤時將鄉勇中擇其老病

不能得力及情切思歸者酌量先行裁撤祇將得力有用者遴選留營以資調撥則人數既少卽可於現在隨征額兵缺出時撥令入伍若因守兵得項較少卽以之超補馬糧戰糧亦無不可該勇等從征數年著有勞績卽千把等項職官頂戴均經量功賞給豈必拘定營制由守糧漸次拔補乎如果伊等情願入伍或卽於額缺外添設戰糧馬糧

若干分俟額兵缺出再行陸續充補亦屬權宜之道該勇等所得餉項旣優生計可無缺乏並足以資鼓勵至散遣之勇亦當酌量賞給銀兩額勒登保等當及早妥爲經理免致事竣後猝辦爲難至隨征兵勇等如能有擒殺賊目及矛手等項者著仍照前定賞格分別賞給使士氣益加奮揚以期速靖餘孽

上又命軍機大臣傳諭勒保曰昨因零匪竄入川境
是以飭令迅赴軍營幫同籌辦但此時將軍提督
俱帶兵在外臬司劉清又遠在綏定辦理糧餉新
任藩司董教增到任需時若總督再往邊境則省
城太覺虛空勒保此時且不必亟亟前往辦理零
匪一事總督身任地方合省文武官兵皆其統轄
呼應甚靈該督卽不親身前往儘可檄飭地方文

武認真跡緝無任處應故事如果能於邊境一帶
上緊堵截則地方多獲一賊邊境卽少留一賊使
潰竄股匪黨與日孤額勒登保等帶兵追剿自必
倍易爲力何難迅就肅清本日額勒登保等奏到
四川提督豐紳在柏森坪地方派弁拏獲賊匪九
名殺斃一名又臬司劉清稟報在隣水地方獲賊
九名可見逃匿之賊實屬不少若勒保果能督飭

地方文武照此實力搜查豈不於軍務大有裨益
勿徒袖手旁觀其糧餉事宜並著督飭劉清等妥
爲經理不可稍有貽悞

初九日

丙寅

方維甸奏言

臣

據邊境官員探報竄

川賊匪裹脅稍多現有四百餘人竄入川境火
山地方官兵沿途截剿亦有斬獲聞額勒登保
馳抵梭羅寨距賊數十里約會德楞額泰賽冲阿

楊遇春馬瑜等進剿因值連日霧雨尙未接仗
其紫陽之六道河另起零匪數十人現由十三
灣竄入東椒河一帶亦近川境係總兵王兆夢
達自祥等分投搜剿等因至安康平利紫陽一
帶寨堡各就田廬相近之地建築大小原屬不
同亦不能盡得地勢今恐賊匪攻擾自應酌量

歸併

臣

奉到

諭旨後又准額勒登保咨會當卽札行陝安道德明
額興安府知府龍萬育妥爲辦理並查有候補
知府周光裕曾任興安多年熟悉情形復委該
府馳往因地制宜設法勸諭期於經理妥協再
據沔縣知縣陳肇釐稟報拏獲匪犯三名又據
署郢縣知縣高甲稟報拏獲零匪一名又據候
補八九品伍敏稟報拏獲搶犯一名現飭臬司

覆訊辦理再官兵追賊入川現在係陝省糧員
隨往仍須由陝解餉供支臣已飭令源源運供
不分畛域可免貽誤

同日吳熊光奏言臣欽奉

諭旨飭查陝省小股賊匪數十人現據防邊各鎮將
稟報係川省餘匪零星攢集由老林中竄出有
總兵王兆夢等帶兵二千餘名跟蹤躡剿其中

首逆稱係熊姓是否確實尙難憑信該匪前由
漳河坪竄至平利九個包入仙河一帶經提臣
派兵迎截旋據探報該匪已由九里十三灣竄
入川境東椒河一帶因賊蹤距楚已遠又大股
賊匪前有東竄之信慶成恐其折回乘虛而入
是以仍令官兵駐紮邊界隨時偵探無論大小
賊匪如有折竄信息相距楚界不遠卽令官兵

出境迎剿勿僅以堵截了事均奏入

上命軍機大臣傳諭額勒登保德楞泰賽冲阿曰額勒登保等自初一日奏到搜捕情形後距今又將一旬仍未據續奏打仗剿賊捷音實深焦厯本日方維甸奏探報賊匪情形摺內據稱此起賊衆裹脅增多已有四百餘人竄入四川火山其紫陽之六道河另起零匪數十人現由十三灣竄入東椒

河一帶亦近川境等語此起餘匪從前只有二百餘人額勒登保等如果能迅速捕淨何致復有裹脅乃一味玩延予賊以暇前已疊次飭諭料及賊數必致逐漸增多今果已至四百餘人合之紫陽另起零匪幾不下五百人可見旬日來裹脅又復不少而額勒登保等所帶官兵不啻數十倍於賊猶不思奮力擊剿日事稽延幾於杳無音信前德

楞泰在彼督辦時尙有三月初二日勝仗一次殲
賊多名額勒登保自會辦以來業已兩月有餘卽
欲如三月內之勝仗亦不可得伊二人所辦何事
試思賊衆從前充斥時有如是之累月而不接一
仗不殺一賊者乎若果如此遲延何能將數十萬
賊匪殄除耶看來此次遲延日久非由將士不肯
用命竟係額勒登保等督催不力賞罰不明所致

卽因山林陡險兵力難以施展亦當悉心設法或用火箭焚林或斷賊之樵汲掩伏兜圍鼓勵官員兵勇俾之一鼓作氣自能痛掃餘氛乃額勒登保等祇知尾追轉將勸諭居民以小寨歸併大寨等事爲亟殊不可解額勒登保德楞泰賽冲阿均該傳旨嚴行申飭倘再有怠緩朕必執法從事凜之慎之

上又命軍機大臣傳諭勒保曰本日方維甸奏官兵
追賊入川現在係陝省糧員隨往仍須由陝解餉
供支等語川陝辦理糧餉一事原當不分畛域無
悞供支但此次賊匪竄入川境官兵追蹤前往爲
日已久何以川省尙無糧員接應且現在官兵追
剿之處業已深入川境去陝甚遠是一切轉輸供
運由川省辦理較易由陝省辦理甚難此時若仍

由陝省運往則人夫脚價等費豈不倍增昂貴尤
於帑項多糜勒保漫不經心著傳旨嚴行申飭該
督務卽督飭總辦糧餉之臬司劉清等探明額勒
登保等軍營所在速派糧員前往接替勿再存推
諉之見如該督等業經派出糧員而該員等逗遛
遲悞以致陝省糧員無可更替卽著勒保查明據
實叅奏

上又命軍機大臣傳諭方維甸曰此時賊匪因剿辦
遲延又增裹脅有四百餘人而紫陽境內尙有另
股賊匪數十人往來奔竄皆額勒登保等辦理遲
悞所致已降旨嚴行飭催矣至陝省境內歸併寨
堡一節前據額勒登保奏到以川陝邊界開太大
寧安平紫陽一帶臨近居民小寨易爲賊破是以
欲令歸併大寨以資固守今據方維甸奏已派委

道府馳往該處妥爲辦理此係預防賊匪竄回陝
省起見該省居民等因邊境廓清散歸原寨就近
各安生業耕作如常此時猝令紛紛歸併大寨不
特傳播張皇且恐吏胥等強押遷移轉致滋生事
端方維旬惟當轉飭該道府持以鎮靜一切聽從
民便總須妥爲勸諭不可稍有勉強迫促致滋紛
擾此爲最要

上又命軍機大臣傳諭吳熊光曰剿捕零匪迄今又
及半載尙未淨盡已降旨嚴飭額勒登保等上緊
剿辦矣現在賊匪四百餘人雖俱遁入川境但賊
蹤往來靡定其竄入東椒河之小股賊匪距楚尙
不甚遠大股賊匪前亦有東竄之信所有楚省邊
防仍當嚴飭防範如賊匪竄近邊界相距在二三
百里內外卽應責成慶成慶溥等出境迎剿併力

夾擊不可株守隘卡總當不分畛域速爭餘氛方
慰朕宵旰憂勞也

同日吳熊光奏言湖北省自嘉慶元年教匪猝
起滋事並有川陝竄匪節年攔入楚省往來蹂
躪各屬募設鄉勇防守城卡並隨同官兵追逐
剿捕及紳士耆民各集義勇隨地堵防自衛村
莊因而敵賊陣亡者人數不少計自元年起至

九年正月止由各地方官暨軍營翼長並川陝等省查報陣亡傷亡之官雇官派各勇業經欽遵

恩旨造冊請卹經兵部

題准照守兵陣亡例給卹者共八千一百一十三名照守兵例減半給賞列等受傷各勇共一千三百五十四名核計共需賞卹銀四十萬一千

六百八十五兩五錢緣人數較多閱年已久其眷屬是否尙存並當時有無在於陣亡各州縣及糧臺借支埋塋養傷等銀均須逐一確查照例扣除以杜冒濫上年會將已經查明陣亡鄉勇七百一十名受傷鄉勇一百五十七名先發過賞卹銀四萬五百五十六兩其餘尙應找發銀三十六萬一千一百二十九兩五錢未經給

領此外尙有各屬先後查報未經咨部議卹陣
亡鄉勇四千一百三十八名義勇二千三百二
十一名受傷鄉勇一千九百四十一名其中或
因輾轉飭查或因冊結未全以致尙未咨部辦
理茲於本年正月內奉部行知如因保護城池
官派打仗或跟隨該管文武員弁外出打仗實
在奮勇出力殺賊較多者准照陣亡例議卹其

雖係官派打仗或殺賊無幾或殺賊無據及並未殺賊者准照陣亡減半例議卹其自衛村堡與賊格鬪力屈陣亡者准與在官陣亡兵丁鄉勇等一體入祀該處昭忠祠並查明各事跡送翰林院入傳不必議給卹典等因

奏奉

諭旨允准行令查照辦理所有湖北陣亡各勇除已

奉准部覆業經文領卹銀者毋庸另議外其已
奉部覆准卹尙未領銀及未經咨部議卹之陣
亡傷亡各勇自應查照新定章程畫一辦理第
查楚省陣亡鄉勇爲數甚衆且已事隔多年而
帶勇員弁多有陣亡事故其中何人殺賊較多
斷難一一追溯自當酌爲變通以免高下其手
應請將楚省已經准卹各勇除查無家屬者祇

賞致祭銀二兩外其查有家屬之勇均照陣亡
守兵例減去一半每名酌給銀二十五兩受傷
列等各勇仍照守兵陣亡之例減半給卹至未
經咨部議卹各勇除自衛村莊者一體人祀昭
忠祠不必議給卹典外其餘官派防城守卡並
隨營打仗陣亡者現在逐一確查陸續詳咨亦
照現定章程一體減半給卹以免歧異奏入得

旨軍機大臣會同該部議奏旋經慶桂等會同兵部
議准請如該督所奏辦理

上從之

初十日丁卯額勒登保德楞額奏賽冲阿奏言竊臣

賽冲阿緊逼賊蹤在玉荷塘林外拏營暫紮欲
俟雨勢稍止卽行進攻詎該匪於夜間乘霧雨
之中竟敢前來偷撲營卡幸我兵早有准備戮

斃賊匪二名該匪敗竄我兵又用鎗礮轟擊斃
賊一名生擒一名時已四更昏夜莫辨且林密
不能深追仍撤回營卡十六日五更發兵向玉
荷塘土地坎一帶進逼施放排鎗以冀轟賊出
外該匪因逼剿緊急竄走白沙河

臣

德楞泰早

經督率豐紳在白沙河拏卡遏截該匪不能衝

過卽折奔山王廟適

臣

額勒登保派令總兵劉

瑞等帶領兵勇八百名冒雨至彼放鎗迎擊該
匪捨死衝撲數次貴州兵丁徐上才揮刀衝入
賊羣砍斷賊矛四根殺賊一名該匪敗向亮垵
子一帶遁去楊遇春得該匪西奔卽帶兵由
八面溪滿月槽一帶抄擊戶額勒登保督兵策
應而進楊遇春兵抵老虎壩哨探兩旁密林叢
竹中隱有伏賊當令兵勇施放鎗礮賊匪零星

散竄我兵躡尾緊追生擒賊匪戴裕貴一名訊
係戰手並據供稱我們以元帥右肋帶鎗傷狼
重已經死了其餘戰手鎗箭傷者共有二十
多人昨夜拚命過河被水衝去張總管並戰手
等有二三十人此時想要走馬家營雞鳴寺往
北逃入陝邊等供當卽正法楊遇春仍帶兵緊
追臣額勒登保督兵繼進其路經八面溪乾地

梁大山時適遇大雨該處亂石橫木填塞滿路
兼之山勢極高兩旁盡係細竹密林有路之處
又皆羊腸鳥道下面懸崖萬丈擁擠難行雨後
梁頂泥深過膝馬隊官兵及臣與各官員馬匹
陷跌殆盡衆官兵扯引下山鍋帳一切全行落
後臣查賊匪欲由雞鳴寺北逃有入陝之勢關
係緊要雖有楊遇春躡追仍須趕往督率遂將

已經趕到之兵一千名令劉瑞哈豐阿百順彥
丕勒色克通阿等帶領隨同前進酌留副將唐
文淑侍衛圖勒畢善在滿月槽查收落後兵丁
並倒斃騾馬數目收集鍋帳再行繼進途次據
楊遇春差兵迎報我兵緊躡賊尾將抵雞鳴寺
該匪卽竄出仙女池大山時已酉刻遂趕赴涼
風垓菜子壩一帶抄出賊前剿辦臣額勒登保

因卽督兵由栢森坪修理山一帶督策進發

臣

德楞泰賽冲阿亦督同馬瑜田朝貴豐紳分路

趕到該匪本在新開場老林游奕是日翻青草

坪老林南折黃金坪趨線朗坪

臣

德楞泰賽冲

阿卽督率官兵趕至線朗坪卽行進攻鎗箭齊

發立斃賊匪數名餘匪敗上二蹬巖我兵又乘

勢搶上該匪遁入放馬廠老林官兵現卽深入

窮追

臣

額勒登保又添派叅將哈豐阿侍衛色

克通阿帶領奮勇兵五百名趕赴楊遇春一路

幫同迎剿

臣

額勒登保亦卽督率繼追連日欽

奉本月初八十一日

上諭仰見

聖心盼捷焦勞無時或釋

臣

等現剿殘匪各路官兵

相距皆近或躡尾追殺或迎頭截擊務期乘此

勝勢一鼓作氣以期早得痛仗仰慰

聖心斷不敢少惜身命偷安鬆勁至賊營內從前原有會充鄉勇之人數十名今訊據賊供有已被官兵殲斃者有已經亡故逃散者所剩實不過二三十名賊中奏聚究係打散零匪居多現在真賊仍不過二百餘人並無另有增添至吳熊光所奏漳河坪丁家山有零匪數十名一節昨

據王兆夢達自祥稟報大小白河零匪節次於
林內搜捕殲獲數名該匪向東南漳河坪丁家
山一帶逃遁王兆夢於十四日親率兵勇乘夜
掩襲又殺賊一名餘賊衝散分爲三起共四十
餘人由高馬荒一帶老林遁入川境黃墩後坪
陝兵仍分投跟追等情臣德楞泰現又派令遊
擊畢萬年帶兵三百名前往搜捕核之吳熊光

所奏零匪逃竄地方自卽係此起亦並非另有
股匪奏入

上命軍機大臣傳諭額勒登保德楞泰賽冲阿曰從
前額勒登保等總稱賊匪往往四散潛竄山林官
兵無從圍剿此次該匪等前來偷撲管卡正當率
兵奮力殲旃乃祇斃賊三名生擒一名豈非坐失
機會若云昏夜莫辨則賊匪旣能行走寧獨官兵

不能追捕用兵機宜全在乘賊之隙或霧雨交作
或昏夜之中出其不意一鼓制勝若必俟天色稍
霽又須於白晝時方可督兵剿賊萬無是理卽楊
遇春一路亦祇殺賊一名其被水衝去之二三十
人乃賊匪過河自遭覆溺何得爲官兵擊剿之功
而額勒登保等猶稱乘此勝勢能無愧乎此時搜
捕之要總在設法籌辦或用火焚林或斷賊樵汲

或於扼要地方設伏拏卡山奇決勝昨降旨甚明
今額勒登保等竟一無籌策惟知帶兵尾追非稱
險仄難行卽爲霖潦所阻口復一日何時始能告
竣本日摺內據稱路經八面溪大山等處羊腸鳥
道萬丈懸崖額勒登保與各官員馬匹陷跌殆盡
衆官兵扯引下山等語看此情形官兵等不爲不
盡力卽額勒登保等亦嘗艱苦備嘗當此盛暑煩

欽卽馬匹陷跌致斃閱之亦覺惻然況如此涉險
官兵等自不免有所損傷實不忍再加懲治但毫
無布置僅事跟剿徒勞仍屬無益用兵之道謀畧
爲先羽翼綸巾能摧勁敵若恃勇輕進拚命相鬪
是市井無賴之情形非制勝之道且旣知夏令雨
水盛行時辦理實爲費力則當春和氣暖何不
緊剿爭以致耽延至今德榜泰遲玩之咎更有何

辭爲將之道以審察天時地利人和爲最要今春
令不能趨辦至三伏時猶須馳驅跟擊此不知天
時也賊匪出沒無常不同其竄近平曠之地逼擊
兜圍致令奔逃林箐任其往來攻撲束手無策此
不知地利也不能信賞必罰鼓勵隨征將士以致
日久疲勞衆心懈弛此不得人和也失此三者何
以爲將額勒登保德楞泰賽冲阿均著傳旨嚴行

申飭仍著遵照昨旨速行會同籌畫多方布置務將此起零匪儘於月內趕緊辦完以贖前愆至鄉勇一項據稱賊營所剩實不過二三十人是鄉勇之從賊者比前較少更屬易辦額勒登保等尤當曉諭兵勇等以零匪聚聚竄擾至今未淨爾等從征數年備歷勞苦因此一二遺孽尚不能早歸鄉里骨肉團聚皇上憫念爾等亟望成功休息惟當

同心協力格外奮勉將零匪等剋期捕滅擒獲逆
首剋盡根株不但可邀重賞且可拔補官職早日
還家共享太平如此剋切示諭戍兵勇知所感激
自必益加策勵總在額勒登保等隨時區畫以期
迅奏蕩平毋再稽延致干咎戾

同日勒保奏言查四月以前川東川北各處山
林實無賊蹤嗣於四月望間德楞泰等將南山

餘匪逼入大寧之後不無零匪竄入旋據開縣
稟報獲賊一名又據千總陳安邦稟報於趕場
溪地方獲賊四名均解交臬司劉清審辦又據
外委藏青雲稟報在仰天窩地方斃賊一名拏
獲九名解交豐紳審辦陳安邦等現尙在彼搜
捕至陝省境內亦聞平利紫陽及寧光之黑河
等處尙有餘匪出沒昨據廣元通江兩處稟報

有自陝逃來之賊一起六七八一起十二人竄
出滋擾現經正分飭叅將閔懷希等會同地方
官分投緝捕至額勒登保等所剿之賊現竄開
縣大寧境內聞官兵緊躡接仗均有斬獲查此
股賊匪自南山竄出之後我兵剿辦日久未能
及早辦完者並非隨征鄉勇希圖多領銀糧有
意拖延亦非帶兵大員因此稽遲爲羈縻鄉勇

之計實因兵丁出師年久不免有思家怠惰之心而鄉勇更無紀律因見兵丁尙且鬆勁亦各意在觀望兼以此股賊匪其中不無曾充鄉勇之人大半相熟甚至有趕上賊隊不卽動手者聞之實爲可恨近又紛紛告退不願隨征並欲多索銀兩誠如

聖諭鄉勇不免心存挾制雖會嚴辦一二起而額勒

登保等究因師老兵疲若太示以威難免激而生變不得不少加體卹結之以恩此其所以官兵有斬獲一賊加倍重賞並散遣鄉勇厚給盤纏留征鄉勇加給鹽菜之議均係額勒登保等不得已之苦衷昨聞鼓勵之法甫行兵心稍覺踴躍而近因老林中山徑欽崎霧雨甚大兵力難以施展此額勒登保等現在辦理爲難之處

至現在陝省未撤鄉勇籍隸川省者臣尙不知

其數而川省征勇實只有二千餘名將來祇可

仍照舊章辦理擇其可撤者撤之其不可撤者

就近歸入標營作爲新兵以資鈴束卽或有不

願入伍而於回籍後難保無不安本分之徒偶

爾滋事隨事究懲尙屬易辦昨接額勒登保德

楞泰來信因賊匪往往冒充官兵攻破小寨現

擬勸令百姓將小寨歸併大寨以資固守並囑

臣另挑官兵二三千名赴開太大寧境內分段

駐紮查堅壁清野之法臣於嘉慶二年冬間到

川後卽通行飭辦始則百姓畏難惜費頗不願

從繼因屢被賊匪蹂躪叠次官爲勸諭漸俱搬

移寨落得以保守身家始各踴躍踵行辦理年

餘方著成效迨去歲全境肅清民皆樂業不但

由大寨改住小寨甚且大半俱回鄉村場市執業歸農亦祇可聽民自便今以未淨餘匪又責令各歸大寨安土重遷恐非百姓之所樂從然既經額勒登保等

奏明辦理自當通飭遵行

臣

現即派員赴各處迅

速勸辦至調派官兵一節

臣

現於省標及川北

重慶松潘懋功挑備兵三千名一俟

命下卽催調起身至後路糧餉必須設法運供

臣昨

因軍營懸立重賞需用較多與司道以下各官
共捐養廉銀二萬兩解往額勒登保德楞泰兩
處備賞鼓勵以期及早蒞事並據臬司劉清具
稟軍營現需帳房馬匹軍火弓箭等項亦俱由
省如數籌撥趕緊運送諒可不致貽悞奏入

上命軍機大臣傳諭勒保曰據奏額勒登保等剿辦

遲延之故因師老兵疲鄉勇心存渙散是以未能
卽收實效與方維甸奏報大畧相同看來自屬實
情至散遣鄉勇前據方維甸奏其願入伍者撤令
歸伍餘俱分散各州縣充當丁壯夫役如此多方
散遣則鄉勇分而見少其勢自孤易於安置今勒
保摺內稱川省征勇現有二千餘名就近歸入標
營作爲新兵以資鈐束而於不願入伍之人並未

提及如何安頓之法此事最關緊要勒保應倣照
陝省辦法分散大小各衙門充當民壯其情願回
籍者令地方官妥爲安插庶鄉勇等不至無業可
歸流而爲匪又據稱接額勒登保等咨會勸民將
小寨歸併大寨勒保以川省百姓大半回籍歸農
此時安土重遷聽民自便若督令搬移恐非民所
樂從等語所見甚是昨據方維甸奏到朕卽以此

事聽從民便不可稍有勉強促迫致滋紛擾勒保
能見及此適與朕昨旨相合但該督旣知難辦竟
當卽行停止何以摺內又有迅速勸辦之語勒保
身任總督於地方事務總宜胸持定見相機籌酌
卽有奉旨交辦之件如果礙難辦理尙當據實直
陳不可稍爲遷就況此事不過額勒登保等不合
並未奉有諭旨乎所有併塞之事著卽停止至酌

調官兵赴開太太寧境內分段駐防一節此事尙屬可行但亦何必至三千之多該省建昌一帶近來時有夷人滋擾卽如上年雷波猓夷出掠卽因營汛空虛而起是建昌所屬官兵自未便再行調遣該督應酌留該鎮官兵防範本境另於附近營分挑備一二千名以資調遣再摺內稱節據地方文武稟報各處搜獲零匪共有十餘名恐川省深

山老林內似此潛匿者尙復不少勒保仍應飭地方官逐處排搜務期淨盡爲要

同日戶部遵

旨議奏請於九江龍江淮安許墅等關酌撥銀五十萬兩並酌撥陝西本省實存雜項銀十萬兩共六十萬兩以供陝省軍需支用奏入

上從之

十二日巳

上諭內閣曰湖北被賊近賊各州縣節年應徵錢糧
疊經加恩分別蠲緩惟念各屬積欠均係實欠在
民若新舊並徵完解民力不無竭蹶所有近賊之
江夏咸寧嘉魚通城漢陽漢川沔陽黃岡麻城潛
江天門雲夢公安石首監利松滋等十六州縣並
屯坐該州縣各衛未完元二三等年積欠錢糧著

加恩再行展限一年全完四五六七等年積欠錢糧再行展限兩年全完其未經被賊近賊之武昌興國大冶通山蘄水羅田蘄州黃梅廣濟等九州縣並屯坐該州縣各衛未完積欠錢糧亦著加恩遞展一年統以嘉慶九年爲始分限三年徵解俾民力益臻寬裕